

Եւ անտի խաղնան բաժանեցաւ ի մէնջ .
 դնայր չիտակ ի Շամ : Աստուած աղէկ տայ
 150 իւրեանց , որ մեք անահ անդող եկաք . թող
 զայն որ ամէն գիշեր նօպաթ զարնէին . այլ
 եւ ամէն բառնալն եւ առնուլն ի վար շատլիս
 կ'առնէին : Եւ այս Ռամլայ առին մարդագլուխ
 երկու-երկու զուռուչ ու կէս . մեծ զաֆարն
 155 մին աստ է եւ մին Ղաթիայն . այլն քիչ քիչ :

ԶԱՐՈՒԹԻՒՆԻՒՄ ԱՐԱՊԿԱՅ

Իսկ չար եւ նենկաժող ազգն արապ , որ-
 պէս ի վերայ ծովու ունին որոգայթք եւ հի-
 լա , առաւել ի վերայ ցամաքի , զոր հիացու-
 ցանէ զլսողսն . զի այնպէս խորամանկ են եւ
 163 նենկաւոր , զի չկայ նման նոցա . զոր սակաւ
 մի ծանուցից ձեզ :

Քարվանն իրիկնով կ'ընէ , որպէս ասա-
 ցաք , զի հովով դնայ . եւ երբ իրիկվնէ եւ
 մթնի , քունն նեղէ զմարդիկն որ թմրին եւ
 165 մրաթափին . ոմանք ի վրայ գրաստուց նիրհեն
 եւ անկանին ի վայր , այլք իջնուն եւ էտէկ առ-
 նուն զտավարն : Գան պեղծ Արապնին ուչիկ
 ուչիկ , հանեն ի գլխոց զուլարն տավրին , մինն
 գէշն առնու եւ միւսն զուլարն , քաշ տանի եւ
 170 երթայ սակաւ մի զկնի . ապա թողու ի բաց եւ
 դնայ : Եւ իրբեւ ստըջանայ այրն , հայի յետս ,
 էչ չկայ , միայն ուլարն յափին : Իսկ այլքն
 վան խառնին , զի քարվանն մեծ է քանի հա-
 գար հողի կայ , ո՞վ ըզով ճանաչէ . եւ եկեալ
 175 խօսին արպերէն՝ «էչ քալաք սէյտի», այս է՝